

Char:a collega

Eu speresch cha tü hajast darcheu cumanzà bain teis minchadi da scoula davo las vacanzas d'utuon. Hoz at fetsch attenta süllas prosmas occurrenzas e t 'infuorm sur da la dieta annuala chi vaiva lö a Klosters.

1x1 da las leguminosas

Sonda, ils **13 schner 2024** ha lö nos cuors da cuschinari cun

Dorrit Türck cul tema leguminosas a **Tusan**.

Dorrit Türck es üna capacità in quist chomp, sur 10 ons ha ella manà ils cuors da cuschinari illa academia Hiltl a Turich. Ella parta cun tai seis grond savair e't tradischa blers tips e trics sur da las leguminosas.

Il program detaglià es agiunt.

No ans allegrain sün vossa partecipaziun!



Scuvrir danöv l'ATT ciclus 1

Sonda, ils **17 favrer 2024** ha lö a **Domat Ems** ün cuors cun

ideas creativas, pensà impustüt per persunas chi instruischan danövmaing il rom ATT.
Il program detaglià es agiunt.



Conferenza da fracziun

Sonda, ils **6 avrigl 2024** ha lö nossia conferenza da la fracziun.

Detagls seguan plü tard per mail.

Save the Date!

Dieta annuala a Klosters

La dieta annuala ha gnü lö ils 30 settember a Klosters. Sper las tractandas üsitadas han ils delegats permess a la suprastanza il mandat per tour sü trattativas cun l'organisaziun da tet dals magisters da las scoulas medias Grischunas.

Las discussiuns sur da la revisiun parziala da la nouva ledscha da scoula han dominà avantmezdi.

Eir il cussagl guvernativ Jon Domenic Parolini d'eira preschaint ed ha segui interessà als votums. El ha però tgnü seis maniamaint secret e nun ha respus ingünas dumondas. A la fin s'ha el ingrazchà pro tuot la magistraglia per lur lavur valurusa.

Davomezdi vaina das-chü seguir al referat interessant da Menno Baumann culla tematica «Systemsprenger». Chi chi vuless s'occupar gugent plü profuond cun quista tematica, chatta sün <https://systemsprenger.podigee.io> ün podcast ch'eu pos racumandar fich.

A nossa sezzüda da la fracziun vaina dat part cha no vain decis da schoglier la gruppia da lavour. Cun ün regal vaina tut cumgià da Karin Näf, Jolanda Kessler, Anna Zala e Nadja Kieni. In quist'occasiun amo üna jada ün grond ingrazchamaint per lur lavour fidela sur ons!

Nossa fracziun va d'accord culs argumaints da la gestiun dal LEGR illa revisiun parziala da la ledscha da scoula. Nossa fracziun nu scriva ün'aigna posiziun davart la revisiun. Las posiziuns vegnan formuladas dals delegats e inoltrats tras il teams da las chasas da scoula.

Danövs dal LCH ELT

Il «Klimatopf» es in realisaziun. El dess servir sco mez d'instrucziun, chi contribuischa al l'educaziun da nudrimaint persistent. Il böt es da rivar cun quista tematica fin illas chasadas privatas. Il «Klimatopf» dess esser gratuit.

Introducziun planisada prümavaira 2024

Mez d'instrucziun ELT

Il mez d'instrucziun «Alltagsstark» vain tradüt per Talian. Eir il «tiptopf» dess gnir tradüt dal 2025 per Talian.

Greentopf

Schi füss qua l'interess, organisessna ün cuors d'introducziun dal «greentopf» dal 2024 (bler main teoretic co quel dal «tiptopf»!). Dar part fin la fin da november a dorothee.howald@schulechur.ch

Tiptopf

No eschan dependentas da vossas experienzas cul tiptopf nouv per dar sco fracziun ün rebomb a la chasa editura: Che experienzas vaivat fat? Ingjò as rechattan sbagls? Che füssa da müdar? Che es fich positiv e bain pratichabel?

Inoltrai vossas propostas fin la fin da december dorothee.howald@schulechur.ch

Da cour at giavüscha dis d'utuon quiets e recreativs!

Dorothée Howald Raselli

